

www.BibleForChildren.org



Yoane 14



"Weene ngenecu mäpu gone! Acejiyame ne jitrungeye cuta cebine nätrungeye. Cäme Babe me mete cabu bucurage puupu piti nemi, siige cane ädenine weeme täapume amacethäjäme. Puupu liga lica cirege, cane piba weebibine apu lica cire jijinejine."



"Cane puu niinäce ädenine weeme tääpume puupu ne
amacetnäjame, cane cuta cire tacnepene weebibine
arwojame cäme bau me. Weene puma cire inajipi,
cane luma."



Cane Yoane weene cama yepä ätrunga biname
gäne. Mine iyeta Keriso me binamewale gemi.
Cane epu mäpu cabu nanajinige weene

liiyepu. Iyeta mibibine
Yeesu Keriso te



niwadininige, cuta
mine iyeta miiji
mäpu cabu bojäcu
lenaja.



Ingle cane Acejiyame me Mene ne
secanenäjumene, biname bine
tejanenäjemumene Yeesu poto cidi

me, peei name pi
noomlujisi,



nacitujisi
curä cabu me
ngii Patmos.




Piba taatu Aceji Seemo te cebine nacenanige. Cane cabucewe je babo adnata puupu ne jepänine, lui cabu yepä te adnatäneji enajige.




Cane cuta näteciijige iyeta gwidape cina cabu je, gawe cabu je, gawe ngalebora je, niiye ngalebora je - iyeta lui cina ireclota cama gemi - teepi apu uupera ne etangisi egä, "Lui te enajenige babo adnata puupu cabu cuta piyepu Maamoi, teebibine laawepyeräjesi, ngii babo jaawenesi, opo gaabe me laacitesi iyeteta. Teeme kokre iyeteta yaanajege."



Cane cuta jepänine babo cewe, kirece Yerusalema ne,
Acejiyame täápume lui ne ituge mara me wawena,
tabe teeme bau ca täinige cabu ca. Tabe epu pana
abasogäräneji ge, ngulebägrä ne lipu waabasogärusi
tabe atejälmuta äbitame.




Cane nätecijige baborage tagepogogo te babo adnata puupu cabu ca iicana egä, "Ire, Acejiyame me lenaja puupu page biname bime cama gyene. Tabe teta cama cire yaanajepi, teepi teeme binamewale cirege. Tabe Acejiyamerage te ten cama lenaja, tabe teeme Acejiyame cirege."




Pui mename seemo te cuta nawabige ireclota niiye baduge. Niiye te päpäna taaturage ge, glaasi pana. Teeme mopecu lui Acejiyame piyepu Maamoi teeme babo adnata puupu ge, siige puma cita ca sewelenige babo cewe gaabe cole cabu ta.



Babo cewe me nuuja ingle lica gyene bimu piyepu
mabye teeme apacyera täápume, ingle Acejiyame me
apacyera te epacyärenige, piyepu Maamoi lui teeme
lampa gyene.



Yepä nuuja niyaniya mule
biname cina piyeme lica
cirege äbäcna, piyepu lui te
ajiri cama mule
jaawenimuge, cuta
piyepu lui te walya
waatromuge. Eei
taatu cina cire
yääbäcnepesi, lui
bime ngii oogäräneji
gemi Maamoi me
peba cabu iyeteta
ireclota täápume.




"Tabe cirege teeme irecu cabu
ca ele mäcu äciseja. Puma ingwe
ca piba budre lica cirege, nuuja
ngenecu mäpu lica cirege, ele
lica, pita lica, ingle sasa mule
cina uja ituge apira."




Nuuja gwidape te lica gyene pui cewe cabu,
Acejiyame te lui ne ägyi. Acejiyame piyepu Maamoi,
teeme babo adnata puupu puma cirege. Acejiyame me
kaakesea biname cina teeme täapume kaakesea puma
cire jaawenepesi.


Teepi teeme opo ne
cire jääpänepesi,
piyepu teeme
mangace cabu
Acejiyame me
ngii oogäräneji
cirege.



Piiyepu cane jepänimine budre biname bine matimati cabu ca ngälu modamoda me, teepi babo adnata puupu opo gaabe je jeclajutemige. Siige peba bine jepatnäjemisi. Cuta nuuja peba ne jepatnisi, naace ireclota peba ne, ngälu cäco ireclota päpäna tääpume luma ngii oogäräneji gemi. Budre biname bine teeme mule ibi jitranimisi, peba cabu lipu oogäräneji gemi teeme poto cidi me. Piiyeme cuta iyeta eei biname bine yiisabimisi, lui bime ngii lica ge ireclota peba cabu, luma ngii ituge acrana ngälu cäco ireclota päpäna tääpume.



Siige Aceji Seemo piyepu Yeesu me binamewale cina
jiicenisi egä, "Tädi!" Iyeta lui cina yäatecijemuge ai
peba mene, teepi cuta miiji iicana egä, "Tädi!" Iyeta
lui cina niyemecewe gemi piyepu singi nanime,
naaclege daremu cäco ireclota niye nanime.



Acejiyame te epu babo singi ge biname
bime täápume, egä tabe teeme
japurage Bägrä ne tityepuji, siige
laati te liba teebine jäätrunguge,
tabe lica birige apesera yepä
tabe iyeteta ireclota
ne päpäna.



Rooma 3:23 Ingle naace gyene iyeta biname cina niiya mule bine jaawenemusi. Iyeta biname lui toraca ingwe gaaberage gemi Acejiyame bau ca, tabe lui conocäco piiyepu jamyacu apaclyera cama gyene.

Rooma 6:23 Yoo, niiya mule me daremu gyene budre piiyepu niiya puupu cabu lenajame iyeteta. Yepä, Acejiyame owecu gyene mime täápume piiyepu mibibine iyeteta ireclota ne nicärininige mime Yageyame Yeesu Keriso cama ngälu cäco lenajame.

Heberu 9:27 Yoo, biname cina lipu yepä gääbu taatu budre äbita, siige Acejiyame peei ingwe gaabe ca teebibine cirege atrana.



Epeso 2:8,9 Ingle Acejiyame babo singi gyene ätityerame, tabe weebibine niiya cabu ca itu isecrärinuji ingle weeme ätrunga name pi. Ai lui wemiji wawenäneji lica gyene, yepä Acejiyame me owecu gyene weeme täápume. Ai lui weeme kaakesea daremu lica gyene, peei name pi nuuja te äblicäco teemämu awepyeräja.

Rooma 10:9,10 Peei name pi weene liba tage ca jiicemuye egä, "Yeesu lui cäme Yageyame," piyepu ngenecu cama jäätrunguye egä, "Acejiyame te Yeesu ne budre cabu ca erpinantuji," weene piba äsecräreji gemi iyeteta ireclota päpäname. Ingle naace gyene mine liba ngenecu cama jäätrungusi, mine Acejiyame täápume conocäco läbitininusi, cuta liba tage ca peei ätrunga poto cidi me jiicemusi, mine äsecrera gaabe ne jääpänusi.



Yoane 3:16,17 Acejiyame te epu babo singi ge biname bime täápume, egä tabe teeme japurage Bägrä ne tityepuji, siige laati te liba teebine jäätrunguge, tabe lica birige apesera yepä tabe iyeteta ireclota ne päpäna. Acejiyame te lica teeme Bägrä ne tityepuji ai gawecewe cabu me biname bine atraname niiya puupu cabu me otnime, yepä tabe naace täápume tityepuji tabe teebibine niiya cabu ca äsecreraame.

1 Yoane 5:11-13 Pui aitneja lui eei gyene, egä Acejiyame te iyeteta ireclota ituge ceera mibibine, mine lui ireclota ne jepäninisi teeme Bägrä cabu ca. Laati te liba teeme Bägrä cama yepä birige, tabe ireclota cama yaanajuge. Yepä laati te liba yepä lica birige teeme Bägrä cama, tabe lica ireclota cama yaanajuge. Cane ai ne naace täápume bii byoogärine weeme bau me, lui cina ätrungane yaacituye Acejiyame me Bägrä me ngii cabu, egä weene umle äbitame egä weeme ngälu cäco ireclota pisi nyene.



Yoane 14; 2 Korinito 5; Apokalupo 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Bine Bible (bon) © 1993, Wycliffe Bible Translators,
Inc. All rights reserved.

<https://live.bible.is/bible/BONPNG/MAT/1>

©2024 Bible for Children, Inc.

www.M1914.org

www.bibleforchildren.org

